

摘藻堂四庫全書薈要

集部

欽定四庫全書薈要

御定歷代題畫詩類卷八十八目錄

花卉類

洛陽牡丹圖

宋歐陽修

和范景仁蜀中寄牡丹圖

宋范純仁

題張希顏紙本牡丹

宋范成大

題徐熙紫白二牡丹

宋范成大二首

題錢舜舉牡丹折枝圖

元王惲

題番陽徐氏雙頭牡丹圖

元戴表元

題趙子昂畫羅司徒家雙頭牡丹並帶芍藥

元程鉅夫

紫牡丹圖

元程鉅夫

畫牡丹

元馬祖常

題壽皇御題淳熙宮畫牡丹扇

元柳貫二首

題畫牡丹

元李祁

徐熙牡丹圖

元金涓

題扇面牡丹

明劉基

題趙昌所畫御屏牡丹

明浦原

題牡丹

明徐溥

墨牡丹

明李東陽二首

題冀郎中墨牡丹

明程敏政

題二色牡丹

明王衡二首

墨牡丹

明吳寬

慶雲牡丹圖

明沈周

吳瑞卿染墨牡丹

明沈周

為王揮使畫牡丹

明沈周

題牡丹

明沈周

題王秀才牡丹圖

明康海

畫牡丹

明文徵明

題畫墨牡丹

明張鳳翼

題畫甌碧牡丹

明王世貞

題復甫墨牡丹

明王世貞二首

子上持豫章畫扇其上牡丹三株黃白相間盛開

一貓將二子戲其旁

宋楊萬里

題唐伯虎畫牡丹

明王世貞

題趙昌芍藥

宋蘇軾

題芍藥

明劉泰

宋徽宗畫芍藥

明謝承舉

墨芍藥

明謝承舉

白描芍藥圖

明楊基

題芍藥遊蜂

明張鳳翼

海棠圖

唐崔塗

驛舍見故屏風畫海棠有感

宋陸游二首

畫海棠圖

元馬祖常

饒世英所藏錢舜舉海棠

元虞集

題折枝海棠圖

元柳貫

為琅溪題折枝海棠

元歐陽玄

題錢舜舉折枝海棠

元貢師泰

折枝海棠

元楊維禎

白描海棠花

元貢性之

趙昌海棠圖

元金涓

題光祿主事虎仲桓海棠圖

元余闕

墨海棠

元李冶

畫海棠

元丁鶴年

雲翁海棠

明徐賁

海棠圖

明楊基

明月海棠圖

明朱諫

海棠畫扇

明薛蕙

書海棠扇

明徐禎卿

畫海棠

明徐渭

題雪毬花

明高棟

題繡毬花

明王世貞

子昂墨萱扇

元袁桷

題萱草圖

元陳旅

萱圖

元王逢

題墨萱

元倪瓚

子昂墨寫萱草

元張雨

扇上墨萱

明張羽

萱草圖

明周用

題文富姪萱花

明程敏政

題沈啓畫忘憂草

明王世貞

題萱蕙同芳圖

元錢惟善

月桂圖

元程鉅夫

畫玫瑰花 明徐渭

毛元升畫薔薇 元唐肅

薔薇圖 明楊基

宋徽宗石榴圖 元王惲

石榴圖 元馬祖常

石榴畫屏 元朱德潤

題宣和畫石榴 明闕名

馬遠畫酴醾 明高啓

虞美人草圖

明王世貞

次韻楊宰凌霄花圖

宋陳造

凌霄花題冊

明王世貞

王伯敬所藏趙昌黃葵

宋蘇軾

饒世英所藏錢舜舉黃蜀葵

元虞集

題畫黃葵

元袁易

黃蜀葵圖

元程文敏

白無咎黃蜀葵

元張雨

黃葵圖 元丁鶴年

題畫葵花 元黃翰

題黃葵 元陶宗儀

馬遠畫黃葵 明高啟

墨葵 明楊基

蜀葵花 明楊基

黃葵花圖 明謝承舉

秋葵小畫 明顧璘

畫梳子 明吳寬

梳子花題畫 明豐坊

題畫梳子花 明葉初春

題趙昌躑躅 宋蘇軾

題畫薄荷扇 宋陸游二首

金錢花題冊 明王世貞

欽定四庫全書薈要卷一萬九千一百九十六

集部

御定歷代題畫詩類卷八十八

花卉類

洛陽牡丹圖

宋 歐陽修

洛陽地脉花最宜牡丹尤為天下奇我昔所記數十種
於今十年半忘之開圖若見故人面其間數種昔未窺
客言近歲花特異往往變出呈新枝洛人驚誇立名字
買種不復論家貲比新較舊難優劣爭先擅價各一時

當時絕品可數者魏紅窈窕姚黃妃壽安細葉開尚少
朱砂玉版人未知傳聞千葉昔未有只從左紫名初馳
四十年間花百變最後最好潛溪緋今花雖新我未識
未信與舊誰妍媸當時所見已云絕豈有更好此可疑
和范景仁蜀中寄牡丹圖

宋

范純仁

牡丹開蜀圃盈尺莫如今妍麗色殊衆栽培功信深矜
誇傳萬里圖寫費千金未就木欄賞徒搖遠客心

題張希顏紙本牡丹

宋

范成大

洛花肉紅姿蜀筆丹砂染生綃多俗格紙本有真艷

題徐熙紫白二牡丹

二首

宋范成大

藥珠仙馭曉驂驚道服朝元露未乾天半剛風如激箭
綠綃飄蕩紫綃寒

寒入仙裙粟玉肌舞餘全不耐風吹從教旅拒春無力
細看腰肢弱弱時

題錢舜舉牡丹折枝圖

元王惲

翠帷高捲出傾城並髻凝妝別有情似為洛人矜絕艷

兩枝相倚鬪輕盈

題番陽徐氏雙頭牡丹圖

元戴表元

天工幻化不經意
雙萼忽然枝葉同
一似人間好兄弟
朱鞍錦轡踏春風

題趙子昂畫羅司徒家雙頭牡丹並蒂芍藥

元程鉅夫

並蒂連枝花亂開
沖和元自主人培
集賢學士春風筆
更寫天香入卷來

紫牡丹圖

元 程鉅夫

豪貴說長安爭先紫牡丹我無池館地畫與子孫看

畫牡丹

元 馬祖常

洛陽春雨濕芳菲萬斛胭脂染舞衣帳底金盤承密露
東家蝴蝶不須飛

題壽皇御題淳熙宮畫牡丹扇

二首

元 柳貫

劍南樵客寫花容院畫流傳號國工春壓玉闌江雨歇

綵鸞驚夢又成空

天香國艷豈堪描
生色誰將上尺綃
留得當時宮墨在
杜鵑啼處雨瀟瀟

題畫牡丹

元李祁

國色名花生盛唐
畫圖留得一枝芳
珠簾不動微風起
猶帶開元粉膩香

徐熙牡丹圖

元金涓

翠幄籠霞護曉寒
無人凝笑倚闌干
玉環去後千年恨

留與東風作夢看

題扇面牡丹

明
劉基

沉香亭畔月華流
掌上孤鸞鏡裏愁
舞罷春風却回首
六宮紅粉總包羞

題趙昌所畫御屏牡丹

明
浦原

綠蕪春雨洛陽城
不見名花國已傾
影落畫屏何處物
斷金殘粉故宮情

題牡丹

明
徐溥

瓊樓高起彩雲端
愁絕東風十二闌
眼底芳春看欲暮
玉人消息鳳笙寒

墨牡丹

二首

明
李東陽

老來青帝亦風流
年少花王正黑頭
共憶東風舊遊路
亂紅殘紫不勝愁

淨洗濃妝不受塵
墨池清賞稱詩人
休憐一朶揚州白
猶是煙花夢裏身

題冀郎中墨牡丹

明
程敏政

嫣然只是洛陽春水墨丹青總幻身花若有情應解笑
品題空自出詩人

題二色牡丹

二首

明王衡

宮雲朶朶映朝霞百寶欄前鬪麗華卯酒未消紅玉面
薄施檀粉伴梅花

洛陽女兒紅顏饒血色羅裙寶袜腰借得霓裳半庭月
居然管領百花朝

墨牡丹

明吳寬

素衣依舊染緇塵京洛相逢是暮春
偶憶沉香亭北事惱人偏是畫中真

慶雲牡丹圖

明沈周

三月十日天半晴慶雲菴裏看春行
桃娘李娘俱寂寞鼠姑照眼真傾城
老僧却在色界住靜笑山花惱客情
靚妝倚露粉汗濕醉肉隔花紅暈明
吉祥將落舊有恨急借紙面圖其生
明朝攜酒正恐謝亦怕敲門僧厭迎

吳瑞卿染墨牡丹

明沈周

雨晴風晴日杲杲
趣此看花花更好
澆紅要盡三百杯
請客不須辭量小
野僧栽花要客到
急埽風軒破清曉
知渠色相本來空
未必真成被花惱
吳生又與花傳神
紙上生涯春不老
青春展卷無時無
姚家魏家何足道

為王揮使畫牡丹

明
沈周

王君四月方來蘇
綠陰滿地花已無
臺紅樓紫不可覓
筆底春風尋老夫
殷綿滴露看活色
信手貌出西家姝
坐中狂客未解事
欲折不成空紙膚
去年淮陰七尺雪

凍地似恐花根枯此圖贈君日日賞一日須傾一百壺

題牡丹

明沈周

名牌新樣紫牙刊露重煙深正好看却怪錦雲低亞樹
帶風扶上玉欄干

題王秀才牡丹圖

明康海

何日到吾家牡丹應著花開圖一見興已發遙似當年
宴紫霞雕欄不受春風折綠葉紅蕤舞風力終日迴旋
不肯休根株苦被丹青匿遠路迢迢銷客心夢魂惟在

草堂陰牡丹牡丹吾語汝三月八日始穀雨

畫牡丹

明文徵明

粉香雲暖露華新
曉日濃薰富貴春
好似沉香亭上看
東風依約可憐人

題畫墨牡丹

明張鳳翼

桑皮數幅駐芬芳
紅紫空勞競洛陽
開落不隨春去住
淡濃惟許墨平章
喚回蝴蝶非關夢
勾引游蜂豈藉香
常見本來真面目
悔從闌檻惜韶光

題畫甌碧牡丹

明
王世貞

沉香亭畔玉倭俄，疊疊春山捧翠螺。何似江南天水碧，周娘親為剪宮羅。

題復甫墨牡丹

二首

明
王世貞

自種沉香亭畔枝，錦嬌紅醉午風遲。那期虢國夫人到，淡掃春山八字眉。

半幅生綃墨乍勻，天然貌出玉精神。朱欄下盡歲蕤鎖，却是丹青解誤人。

子上持豫章畫扇其上牡丹三株黃白相間盛開

一貓將二子戲其旁

宋楊萬里

暄風暖景正春遲
開盡好花人不知
輸與狸奴得春色
牡丹香裏弄雙兒

題唐伯虎畫牡丹

下有睡貓題者不甚快意因戲為作之

明王世貞

白日當卓午
狸奴睛一線
胡為尚頽然
曲肱掩其面
得非薄荷醉
母乃干陬倦
風吹木芍藥
時時墮芳片
墮者

作祠禱留者充帷幣高卧時未至雄才晚方見縱橫羣
鼠輩未解事機變牙爪攢戟霜飛騰掣弓電詎止無當
鋒誰與敢奔殿剝裂懲狡貪吮咀慰酣戰能令此輩空
不愛通侯券丹青何人手唐子少豪健賣駿足偶蹶屠
龍技方賤韜精恣鼓跌含意在荒晏鮭鰕苟不乏貓鼠
各自便猶勝李雋州搖尾媚娘殿

題趙昌芍藥

宋

蘇軾

倚竹佳人翠袖長天寒猶著薄羅裳揚州近日紅千葉

自是風流時世妝

題芍藥

明 劉泰

綠陰庭院已非春
紅芍翻階露孕新
綽約嬌姿誰得似
天風吹下衛夫人

宋徽宗畫芍藥

明 謝承舉

北望胡沙道里長
秋風寬盡六銖裳
行宮多少幽人怨
紅藥階前亦改妝

墨芍藥

明 謝承舉

卷八十八
珍花開徹玉盤盃點檢揚州也自無永叔多情為編譜
墨痕狼藉上花鬚

白描芍藥圖

明楊基

玉樓寒擁翠羅衾珠箔晴搖縷縷金蝴蝶亂飛花未落
東風庭院又春深

題芍藥遊蜂

明張鳳翼

香生院落自深沉芍藥開時綠滿林春老遊蜂無氣力
過橋空有惜花心

海棠圖

唐
崔塗

海棠花底三年客
不見海棠花盛開
却向江南看圖畫
始慙虛到蜀城來

驛舍見故屏風畫海棠有感
二首 宋
陸游

厭煩只欲長面壁
此心安得頑如石
杜門復出歎習氣
止酒還開慙定力
成都二月海棠開
錦繡裏城迷巷陌
燕宮最盛號花海
霸國雄豪有遺迹
猩紅鸚鵒綠極天
巧疊萼重跗眩朝
日繁華一夢忽吹
散閉眼細思猶歷
歷

憂樂相尋豈易知故人應記醉中詩
夜闌風雨嘉州驛
愁向屏風見折枝

古稱天下無正色但恐世好隨時移
靸紅鶴翎豈不美
斂色如避新來姬何況遠說蘇與賀
有類異世誇嬌施
造化無情宜一槩偏此著意何其私
又疑人心愈巧偽
天欲鬪巧窮精微不然元化撲散久
豈特近歲尤澆漓
爭新鬪麗若不已更後百載知何為
但應新花日愈好
惟有我老年年衰

畫海棠圖

元 馬祖常

石家五尺珊瑚樹海國千房火齊珠風雨春寒圍錦護
豔陽天暖倚闌扶浣時應貯芙蓉水香處重薰翡翠鑪
紅膩不隨蜂觜蝕粉勻終為蝶身敷歲蕤綵纈盤仙綬
縠積雲羅落舞襦青帝化成非幻有杜陵吟老却知無
催開每賴斟鸚鵡吹落還因唱鷓鴣曾見赤城花亞蕊
丹鉛此去不須圖

饒世英所藏錢舜舉海棠

元 虞 集

睡起多情思依稀見太真一枝紅淚濕似憶故宮春

題折枝海棠圖

元 柳貫

東風庭院紫絲香翠飛來午影長啼溼紅妝看不厭
祇疑春色在昭陽

為琅溪題折枝海棠

元 歐陽玄

點綴春風只一枝此花猶是半開時更令老杜如今見
便是無情也賦詩

題錢舜舉折枝海棠

元 貢師泰

玉環睡起嬌無力，膩粉微勻酒暈生。
不是開元寫遺恨，世間那得見傾城。

折枝海棠

元 楊維禎

金屋銀缸照宿妝，一枝分得錦雲鄉。
梅郎底事多餘恨，怪殺珊瑚不肯香。

白描海棠花

元 貢性之

美人睡起不奈愁，弄粉調朱只漫羞。
閒倚綠牕春晝靜，雙鸞飛上玉搔頭。

趙昌海棠圖

元 金 涓

銀燭燒殘夢未回
舊家庭院已荒苔
玉簫聲杳人何處
惟有東風燕子來

題光祿主事虎仲桓海棠圖

元 余 闕

沉香羯鼓弄春杯
席上纔看半作堆
爭似君家屏障裏
年年歲歲有花開

墨海棠

元 李 冶

漢宮愁絕冷臙脂
一醺劉郎兩鬢絲
甲帳夜寒銀燭短

六銖雲帔獨來時

畫海棠

元
丁鶴年

暖日脂煙凝曉困東風翠袖倚春酣一枝貌得渾相似
翻覺情濃思不堪

雲翁海棠

明
徐賁

一枝寫出玉容嬌桃李漫山恨未消惆悵東闌明月夜
半酣西子貌難描

海棠圖

明
楊基

沉香亭北繞闌栽，曾藉花奴羯鼓催。
今夜不須銀燭照，待他明月上枝來。

明月海棠圖

明朱諫

太液池邊月欲墜，海棠花下楊妃醉。
月照金閨春夜長，花迎玉闌嬌欲睡。
東風淡蕩沉香亭，花間恐有流鶯鳴。
玉笛聲隨落花去，月明不見牽牛星。
玉人已去春無主，御溝春暖空流水。
舊時明月空自圓，花若含羞向誰語。

海棠畫扇

明薛蕙

西蜀繁花樹春深亂蕊紅還憐彩扇上宛似錦城中影
轉團團月香含細細風江淹才力減賦爾若為工

書海棠扇

明徐禎卿

春風吹墮顰暗淚散作天花一樹丹可奈五更清夢短
杜鵑聲歇雨絲寒

畫海棠

明徐渭

海棠弄春垂紫絲一枝立鳥壓花低去年二月如曾見
却是誰家湖石西

題雪毬花

明高棟

玉簇雲開雪作團，輕盈冷艷不勝寒。
王孫蹴踘歸來晚，猶愛冰姿鏡裏看。

題繡毬花

明王世貞

輶以碧雲色，微籠春月圓。
拋人暗香裏，誤馬軟塵邊。

子昂墨萱扇

為湖南楊晉母作

元袁桷

墨蝶巧分釵股元，蟬高綴冠梁。
莫厭南州炎溽為，添北戶清涼。

題萱草圖

元 陳旅

朱萱吐晴日上有蝴蝶雙感此芳意多離憂轉難忘

萱圖

為李恒題於
茂清軒中

元 王逢

暄風宜男花涼日忘憂草一種兩含情親客夢中老

題墨萱

元 倪瓚

落盡幽花出一枝愛宜男草近清池水仙惟數彞齋趙
夏卉芳妍爾更奇

子昂墨寫萱草

元 張雨

碧浪湖頭翰墨香山蜂遊趣午陰涼戲拈小筆塗幽草
正是無憂得可忘

扇上墨萱

明張羽

團扇復團扇團團三秋月上有宜男草可玩不可折宜
男何足貴能令憂作悅憂思既可忘為君忘炎熱無障
西風塵汙此皎如雪

萱草圖

明周用

新蟬破午夢華泉漱銀井亭亭萱草花當階拂清影

題文富姪萱花

明 程敏政

一色春難老，雙親未白頭。
高堂相對處，日日可忘憂。

題沈啟畫忘憂草

明 王世貞

嫣然一株花，媚此庭中幽。
翻覺此名贅，人生何所憂。

題萱蕙同芳圖

元 錢惟善

風光轉蕙及萱花，一笑相逢子墨家。
不采幽香同結佩，空教零落怨年華。

月桂圖

元 程鉅夫

本是堯蓂莢翻為月月紅殷勤煩好手移向玉除東

畫玫瑰花

明徐渭

畫裏看花不下樓甜香已覺入清喉無因摘向金陵去
短掇長丁送茗甌

毛元升畫薔薇

元唐肅

色是昭陽第一人縷金衣薄不勝春毛生能畫非延壽
不得黃金也逼真

薔薇圖

明楊基

紫苞紅刺玉纖纖
甘露收香入翠奩
何處南風開滿架
綠陰庭院水晶簾

宋徽宗石榴圖

元
王惲

安石赤榴自漢來
千年西域武皇開
寫生若論丹青妙
金馬門前待詔才

石榴圖

元
馬祖常

乘槎使者海西來
移得珊瑚漢苑栽
只待綠陰芳樹合
葢珠如火一時開

石榴畫屏

元 朱德潤

雨餘鳴蜩歇衆綠鬱陰翳綃囊感紅巾光焰當林麗映
日萼先皺臨風葉如綴秋深薦紅實顆裂排皓齒祇應
乘槎客天上得仙味

題宣和畫石榴

明 闕名

金風吹綻絳紗囊零落宣和御墨香猶喜樹頭霜露少
南枝有子殿秋光

馬遠畫酴醾

明 高啟

池冷畫闌幽。酴醾伴晚愁。金盤承露重。彷彿漢宮秋。

虞美人草圖

明
王世貞

纔聽歌聲舞不休。楚宮猶記舊風流。相逢莫奏烏騶曲。
腸斷秋江萬古愁。

次韻楊宰凌霄花圖

宋
陳造

高花笑屬賦花人。花自鮮明筆自神。可惜人間兩清絕。
不教媚嫵對閑身。

凌霄花題冊

明
王世貞

金
五
日
月
合
二
七
卷八十八
枝牽蔓轉葉紛紛數朶薦紅學出羣盤石托根君莫笑
只言身自致青雲

王伯敷所藏趙昌黃葵

宋
蘇軾

弱質困夏永奇姿蘇曉涼低昂黃金杯照曜初日光檀
心自成暈翠葉森有芒古來寫生人妙絕誰似昌晨妝
與午醉真態含陰陽君看此花枝中有風露香

饒世英所藏錢舜舉黃蜀葵

元
虞集

花萼立清晨鵝黃向日新金杯承玉露偏醉蜀鄉人

題畫黃葵

元 袁易

憶昔戎葵花下飲金杯
春豔綠鬟歆祇今花似金杯側
獨對西風詠折枝

黃蜀葵圖

元 程文敏

玉杯蒸栗色那得許精神
稽首黃金相天然妙色身
白無咎黃蜀葵

元 張雨

金銅仙人雨中立含淚
恰如辭漢時傾心脉脉何所待
願見白日光陸離

黃葵圖

元

丁鶴年

綠侵雞距踈分葉黃染鵝雛淡著花暑雨涼風新入畫
不將穠艷競春華

題畫葵花

元

王翰

上苑餘春輦路荒芳菲落盡更堪傷憐渠自是無情物
猶解傾心向太陽

題黃葵

元

陶宗儀

西蜀孤芳分外清嫩黃新染越羅輕自從承却金莖露

向日檀心一寸傾

馬遠畫黃葵

明高啟

春晚獨餘芳風回帶酒香美人偏愛看因似御衣裳

墨葵

明楊基

晞髮待朝陽黃眉映墨妝午時人搗藥衣上有玄霜

蜀葵畫

明楊基

洗盡胭脂學道裝玉冠青帔羽衣裳蕊珠宮裏秋宵永
立盡瑤階一夜霜

黃葵花圖

明 謝承舉

秋深寬盡赭羅衣草木孤臣義不違
萬里君恩元自厚赤心常與日爭輝

秋葵小畫

明 顧璘

慘淡生綃色秋花擢露森黃勻
塗粉額赤抱向陽心節序誰云暮
風霜獨爾禁草堂披拂處點坐寄情深

畫梔子

明 吳寬

此種為薝蔔名曾載佛書辦香凡六出
卻與雪花如

梔子花題畫

明豐坊

金鴨香消夏日長
拋書高卧北牕涼
晚來驟雨山頭過
梔子花開滿院香

題畫梔子花

明葉初春

花開六出玉無瑕
簷蔔林中簷蔔花
重向畫圖參此案
妙香不斷透窗紗

題趙昌躑躅

宋蘇軾

楓林翠壁楚江邊
躑躅千層不忍看
開卷便知歸路近

金史四庫全書
卷八十八
劍南樵客為施丹

題畫薄荷扇

二首

宋
陸游

薄荷花開蝶翅翻
風枝露葉弄秋妍
自憐不及狸奴點
爛醉籬邊不用錢

一枝香草出幽叢
雙蝶飛飛戲晚風
莫恨村居相識晚
知名元向楚辭中

金錢花題冊

明
王世貞

日落千緡散漫垂
華清初浴太真兒
請看師相城西邸

應是河陽湍縣時



御定歷代題畫詩類卷八十八



總校官庶吉士臣侍朝

校對官庶吉士臣徐如澍

謄錄監生臣張駿

欽定四庫全書叢要

集部

御定歷代題畫詩類卷

八十九
九十

欽定四庫全書薈要

御定歷代題畫詩類卷八十九目錄

花卉類

次韻袁起巖送示郡沼雙蓮圖 宋范成大

繪蓮 宋白玉蟾二首

趙昌荷花 元劉因

題曹農卿雙頭蓮圖 元吳澄二首

秋荷圖 元陳旅



蓮藕花葉圖

元吳師道

題敗荷

元王翰

題畫蓮

元李祁

畫蓮

元貢性之

題扇面荷花

明劉基

題紅白蓮

明高棟

題畫蓮

明陳憲章

題宗人愈大上舍所藏白描風荷圖

明程敏政

為周郎中公瑞題觀蓮圖

明吳寬

許彥明白蓮詩卷

明顧璘

陶耕學紅白荷花扇面

明周鼎

桂林圖

元張憲

劉元初桂花圖

明張以寧

題周遜學天香深處卷

明高啓

題錢舜舉折桂枝

明解縉

徽宗畫瓶中桂花

明王澤

丹桂圖

明周用

桂圖吟

明廖道南

為錢副郎世恩題桂兔圖

明吳寬

題趙昌寒菊

宋蘇軾

題菊花冊

宋楊后

異菊圖

元王惲

題白菊

元程鉅夫

錢舜舉折枝菊

元袁桷

題墨菊 元何中

題墨菊 元黃鎮成

墨菊 元貢性之 二首

題黃菊 元陶宗儀

題金菊畫屏 元秦約

題趙子固蘭菊 元項炯

題墨菊 明劉基

題超上人墨菊 明劉崧

題徐雪州墨菊

明貝瓊

題遜菴墨菊

明高啓

題菊東林司成先生

明王佐

墨菊

明方孝孺二首

蘭菊圖

明許繼

墨菊

明解縉

題菊送別

明楊士奇

題墨菊

明金幼孜

墨菊 明楊榮

墨菊 明陳全

畫菊 明林誌

剪菊圖 明陳顥

題畫菊 明陳憲章

題數五菊屏 明李東陽

墨菊 明李東陽

墨菊 明闕名

題黃菊 明劉泰

墨菊 明劉泰

題道新菊圃卷 明程敏政

畫菊 明楊廉

題錢秋官菊 明吳宣

題新喻丞劉源墨菊 明鄭瑛

題扇頭菊花 明謝承舉

題畫菊 明鄭汝美

題東籬秋色

明秦旭

墨菊

明唐寅

題何大參菊花圖卷子

明祝允明

徵明墨菊

明祝允明

畫菊

明徐渭二首

題菊竹圖

明姚綬

白茶畫屏

元朱德潤

青門山人畫滇茶花

明徐渭

饒世英所藏錢舜舉畫茶花

元虞集

題玉簪花圖

元陳旅

題秋海棠

明謝承舉

題張希顏紙本雞冠

宋范成大

題雞冠

元程鉅夫

題錢舜舉畫雞冠花

元于立

題畫雞冠花

元姚文與

欽定四庫全書薈要卷一萬九千一百九十七

集部

御定歷代題畫詩類卷八十九

花卉類

次韻袁起巖送示郡沼雙蓮圖

宋

范成大

珠淵玉水折方負湧出雙蓮照酒邊壓倒小湖三級草
增光後沼兩重蓮苔華名字元相並桃葉根株本自連
好把吳歛翻楚些楊荷新曲勝當年

繪蓮

二首

宋

白玉蟾

筆底荷花水面浮纖毫造化奪工夫為誰畫出生綃上
泰華山頭玉井圖

濃淡色中勻粉膩淺深痕上著
臙脂華堂展處南薰起
一似西湖六月時

趙昌荷花

元 劉 因

我家東湖三百頃瑞錦縱橫綠雲凝森森曉氣天香飛
星斗光沉水花淨遠如嬰兒脫文褓近若胎仙臨玉鏡
瓊杯欲側雨絲垂金掌初調露珠定盡將機心付鷗鷺

小雨輕煙穿短艇京城烏帽二十年夢入滄洲寄清興
趙生畫意不畫格淺粉輕砂養真性韜精斂容羞自陳
三沐無言月華靚邇來馮於號能事老嫩風情毫髮証
玄黃已辨神俊枯逐影之人道中病高堂視此青琉璃
香色俱忘保清淨

題曹農卿雙頭蓮圖

二首

元
吳澄

天光水鏡淨泓然燦爛心花發瑞蓮認得一茄雙菡萏
千枝萬蕊一根連

花中君子濂溪獨分作河南二鄂華天為有兒雙秀發
送將此瑞到公家

秋荷圖

元陳旅

持衣寄所思欲寄不得遠水國風露涼徘徊九秋晚

蓮藕花葉圖

元吳師道

玉雪竅玲瓏紛披綠映紅生生無限意只在苦心中

題敗荷

元王翰

曾向西湖載酒歸香風十里弄晴暉芳菲今日凋零盡

却送秋聲到客衣

題畫蓮

元 李祁

分得西湖一畝多紅妝凌亂倚清波
初疑載酒穿花去露下月明聞棹歌

畫蓮

元 貢性之

吳王宮殿水流香步屧廊深暑氣涼
長日香風吹不斷藕花多處浴鴛鴦

題扇面荷花

明 劉基

玉井芙蓉紅粉腮何人移向月中栽
高軒忽漫看圖畫疑是昭陽曉鏡開

題紅白蓮

明高棟

素艷穠華似鬪開露房雙啟暗香來
只疑月下瑤池會半出紅妝捧玉杯

題畫蓮

明陳憲章

船入荷花內船衝荷葉開先生歸去後
誰坐此船來題宗人愈大上舍所藏白描風荷圖

明
程敏政

鏡湖水光如碧練一霎回風舞團扇馮夷乍啟水晶宮
仙子齊勻鏡中面凌波徙倚欲傾城澤荇渚蒲如有情
素葯搖香白鷺下青房墮影遊魚驚落手湘雲半舒卷
素色亭亭淨於剪五侯池館春闌珊恥共鉛華鬪深淺
為周郎中公瑞題觀蓮圖

明
吳寬

玉井蓮開花十丈此事詩家徒自誑何處池頭有此花
分明蜀錦裁成障清陂渺渺波洋洋水榭人疑坐天上

白羽風輕頻自搖紅妝日出閑相向畫工作此待誰題
意匠欲追崔子西平生比德是君子耶溪不擬定瀟溪
瀟溪舊有愛蓮說意見豈與埤雅齊溪流一派接雙井
雲孫早躡青雲梯

許彥明白蓮詩卷

沈石田畫
金赤松題

明顧璘

珍圖白蓮何皎然盈纖風露臨秋鮮丹青豈同俗匠伍
貞素獨與幽情便瑤瑤滿池琢不碎翠葉雨重敲仍顛
盛開欲落比雲散乍踈復密如星聯何不放筆鋪十頃

中間蕩漾吳姬船
嬌歌艷曲互酬答
冰肌玉面矜嬋娟
風流領袖自石田
好事遺之歸攝泉
赤松郢侶復絕世
後來和者難為前
我欲西湖招勝侶
金樽美酒斗十千
林逋宅前放舟去
六橋曲曲相迴旋
古人今人盡如此
安得壽命金石堅
人間富貴草頭露
不須錦瑟調朱絃
與君雪藕擘蓮子
共唱新詩湖上眠

陶耕學紅白荷花扇面

明周鼎

欲語還停隔扇羅
主家池館晚涼多
紅顏自得南薰意

皓齒偏能子夜歌
忽憶綵雲湖上見
恍疑瓊佩月中過
淡妝濃抹多相似
回首耶溪渺綠波

桂林圖

元張憲

瑤階夜冷莎雞泣
老兔西飛天宇濕
萬斛愁香捲海風
丹砂滿地誰收拾
太湖仙子月中立
青瑣畫闌塵不入
玉鞭一尺跨白鸞
笑向霜娥作長揖

劉元初桂花圖

明張以寧

醉上淮山喚八公
白鸞騎到廣寒宮
滿身香露銖衣濕

十二瑤臺月正中

題周遜學天香深處卷

明 高 啟

仙芬染骨濃無跡，秋入畫堂簾不隔。
夢尋老蟾煙霧迷，碎落金蟲夜愁寂。
素娥舊我無兩叢，萬古散吹秋滿空。
薰羅不熱象籠火，人倚畫欄清影中。
蕙蘭暗泣幽馨歇，只有瑤芳占涼月。

題錢舜舉折桂枝

明 解 縉

憶昔霓裳清夢遊，月中仙子參華輶。
九天風露滴蟾桂，

化作清香天地浮淮南小山如可招空遺金粟結離愁
翠葉離披鳳凰羽寶花瑟縮紛相糾往時相見今重逢
天上人間路豈通明朝手把玉清去坐令四海生清風
徽宗畫瓶中桂花

明王澤

玉色宮瓶出內家天香誰貯月中花六宮只愛新涼好
不道金風捲翠華

丹桂圖

明周用

廣寒月出東海頭扶疎桂樹橫九州天香料理一萬斛

散作八月人間秋

桂圖吟

明 廖道南

桂開旖旎何芬芳
空明天宇流禎祥
仙宮閭闔月華朗
姮娥綽約河漢長
我聞桂香在廣寒
璇星珠斗真奇觀
願言采珍調帝酌
斟酌五氣和芝蘭

為錢副郎世恩題桂兔圖

明 吳寬

懸崖碧樹爭倒垂
金釵亂插還參差
古香能受秋風吹
亦復有藤縷絡之
洞門一似逢仙姬
身纏寶纓墜朱綏

其下何物跌坐危赤睛玉毫光陸離長耳聳起分兩岐
視而孕焉顰是兒惟上有物揚清暉團團冰鏡一尺圍
人名為月非此誰月中桂滿兔且肥信哉有影乃在斯
歷觀畫記從新施收藏莫盛宣和時高格雅淡今何稀
黃荃趙昌曷不師素面朝天誇號姨市娼塗抹衆所嗤
驀然展視亦甚奇翩翩五色斑斕衣

題趙昌寒菊

宋

蘇軾

輕肌弱骨散幽葩真是青裙兩髻了便有佳名配黃菊

應緣霜後苦無花

題菊花冊

宋
楊后

莫惜朝來准酒錢
淵明身即是花仙
重陽滿滿杯中泛
一縷黃金是一年

異菊圖

一枝十花容色各異未之見也故賦

元
王惲

枉說重巖細菊班
連眉十樣更清妍
不辭老圃秋容淡
要見花神景氣偏
越被香濃薰百和
柴桑人去已千年
醉吟不用江州白
此日東籬得董仙

白菊圖

元 程鉅夫

黃中雖正色潔白見芳心折得無人把何如晚逕深

錢舜舉折枝菊

元 袁 桷

醉別南山十五秋鴈聲深恨夕陽樓寒香似寫歸來夢
背立西風替蝶愁

題墨菊

元 何 中

橘枳蘭芽玉易瑕高山一出便忘家幾回惆悵梅花別
并有緇塵到菊花

題墨菊

元黃鎮成

江南九月秋風涼，秋菊采采金衣黃。
近時丹丘出新意，却灑淡墨傳秋香。
青城學士曾題藻，散落人間共傳寶。
卷舒造化入毫端，回首東籬自枯槁。
東陽傳君心好奇，何處得此秋霜枝。
湖湘衲子遠相貺，筆勢迴與丹丘齊。
香英細盛玄玉屑，老幹拘斷烏金折。
不隨粉黛學時妝，自與幽人同志節。
淵明已逝屈子沈，晚香縱有誰知心。
感君圖畫三歎息，為君長歌楚天碧。

墨菊

元 貢性之

柴桑生事日蕭然
解印歸來只自憐
醉眼不知秋色改
看花渾似隔輕煙

墨菊

元 貢性之

醉折東籬朶看如
隔暮煙莫驚顏色改
不是義熙年

題黃菊

元 陶宗儀

道人小葺柳邊莊
三徑西風逗晚香
按譜秋葩班異品
堂堂正色御袍黃

題金菊畫屏

元秦約

微風隔幔入庭芬
晏罷西池夜半分
翠燵不來清漏迥
月中羞舞鬱金裙

題趙子固蘭菊

元項炯

涼雲如波散銀浦
飛虹不見行天鼓
野花幽草一團春
暖天相倚愁殺人

題墨菊

明劉基

粲粲金英美可餐
九秋風露與清寒
墨君莫妬天然色

終遣靈均怨子蘭

題超上人墨菊

明 劉崧

露香秋色淺深中青蕊黃花自一叢
最憶南園微雨過
短籬扶杖看西風

題徐雪州墨菊

明 貝瓊

先生愛菊似柴桑
三徑歸來亦未荒
莫道空山秋色淡
新花一朶御袍黃

題遜菴墨菊

明 高啟

獨留鐵面傲霜遲
秋蝶來尋莫自疑
須信陶翁醉歸後
西風塵土滿東籬

題菊東林司成先生

明王佐

紫翠叢中獨隱奇
風霜飽歷燦東籬
寄語柴桑老居士
好歸吟賞莫教遲

墨菊二首

明方孝孺

解印歸來鬢已斑
故園松菊可怡顏
祇緣三徑荒涼久
特寫秋花仔細看

分根昔日向東籬種近義之洗硯池幾度來澆池上水
花間朶朶墨淋漓

蘭菊圖

明許繼

九畹曾無舊日春都隨蕭艾混泥塵秋風冷淡山籬下
惟有黃花是故人

墨菊

明解縉

春雨茁芳露貞脆無異姿濯濯等鮮妍猗猗競華滋秋
風颭然至殞落紛蓬茨獨茲異哀草烈士當艱危佳色

不為艷貞心常自持稟性夙已定造化無容私

題菊送別

明 楊士奇

送行漸及黃花節江北江南白露寒為有清香宜晚歲
獨憐彭澤未休官

題墨菊

明 金幼孜

自是芳姿不浣塵曉妝如洗露華新玉英粲粲黃金色
斜倚東籬日又曛

墨菊

明 楊榮

聞道柴桑景最幽
晚涼清興到林丘
墨池一夜西風起
染出東籬片片秋

墨菊

明陳全

嫩菊散輕煙
青蕊含朝露
不見柴桑翁
遙情托豪素

畫菊

為周編修賦

明林誌

采采金英白露團
西風冷動一枝寒
宦遊無復芳菲夢
笑把秋香畫裏看

剪菊圖

明陳顯

西風三徑近秋期
閑看山童理菊枝
浪蕊浮花都剪却
剛留幾朵傲霜枝

題畫菊

明 陳憲章

籬下花堪把
先生有酒不遙看
白衣者不復問江洲

題敷五菊屏

明 李東陽

先生深卧菊花叢
曲几圍屏窈窕通
本為紅塵辭俗眼
豈因多病怯秋風
交情盡付炎涼外
身計聊憑吏隱中
相過不嫌憔悴質
祇應風味與君同

墨菊

明 李東陽

白露被原隰黃菊秋始花
餘馨引遙袂采掇初還家
秀色雖可玩玩久不復華
入畫清且古為詩正而葩
幽懷託揮寫庶用傳無涯
持此問真幻無言空自嗟

墨菊

明 闕名

義熙嘉本久塵埃誰剪幽香染麝煤
秋色不如前日好晚風零落紫霞杯

題黃菊

明 劉泰

芳叢熒熒殿秋光
嬌倚西風學道妝
一自義熙人採後
冷煙踈雨幾重陽

墨菊

明
劉泰

自是中黃第一家
鴈來時節傲霜華
如何秋色無人管
移向龍泉道士家

題道新菊圃卷

明
程敏政

籬下西風鬪晚妝
閑花寧復見紅黃
青青惟有淇園子
晏歲交情一味長

畫菊

與鄒汝愚同賦

明

楊庶

好事持醪莫漫過餐英擬和獨醒歌
傍人祇愛寒香遠知受風霜是幾多

題錢秋官菊

明

吳宣

匝地風雲空暮色溥天雷雨自春芽
何人挽得秋香轉猛拍闌干怨露華

題新喻丞劉源墨菊

明

鄭瑛

東籬吐佳菊采采含幽馨芳心竟云托
離披履前楹詎

惟陶令賢千載同幽襟感茲時物遷獨見霜中榮故人
安素子為君寫其英醉墨尚淋漓宛若寒露侵豈無春
陽花朝發夕已零贈此竟何俟亦以期令音

題扇頭菊花

明 謝承舉

秋蚤花神仗雨催扇頭聊借墨華裁故山歸去重陽近
籬下踈枝正好開

題畫菊

明 鄭汝美

春榮夏茂季秋香晚節還能傲雪霜不見東風桃李面

幾竿脩竹伴孤芳

題東籬秋色

送過九苞之京

明秦旭

清華簪組觸塵埃
歲歲觀光上鳳臺
莫戀青山如洛下
故園黃菊待君開

墨菊

明唐寅

故園三徑吐幽叢
一夜玄霜墮碧空
多少天涯未歸客
借人籬落看秋風

題何大參菊花圖卷子

明祝允明

花有仙靈筆有神化權終不在陽春一般秋色成千品
前度桃花卻後塵誰信珠璣顏色好獨憐霜雪性情親
菊詩萬首從君選未必微篇愧古人

徵明墨菊

明
祝允明

凍硯呵寒下筆遲鬚眉幻出陸天隨知君繞指冰霜趣
更把冰霜吐作詞

畫菊

二首

明
徐渭

身世渾如泊海舟關門累月不梳頭東籬蝴蝶閑來往

看寫黃花過一秋

經旬不食似蠶眠更有何心問歲年
忽報街頭糕五色
西風重九菊花天

題菊竹圖

明姚綬

歸去來三徑多荒苔
徑荒豈能荒我菊
菊邊亦自有翠竹
竹既翠菊且黃
天容我歸媚秋光
使我弗知三徑荒

白茶畫屏

元朱德潤

秋高銀河瀉碧宇
淨如洗飛仙自天來
幻作白茶蕊清

香不自媚迴出山谷底盈盈雙玉環婉立庭戶裏風霜
非故林雨露結新意

青門山人畫滇茶花

明徐渭

武林畫史沈青門把兔伸藤善寫生何事臙脂鮮若此
一天露水帶昆明

饒世英所藏錢舜舉畫茶花

元虞集

萬木老空山花開綠萼閒素妝風雪裏不作少年顏

題玉簪花圖

元陳旅

縣圃種石子幽庭茁瓊肪受以芙蓉冠綠髮風露香

題秋海棠

明謝承舉

一江秋色錦屏張紅蓼金容襯艷妝明日相思渡江去
多情應斷九回腸

題張希顏紙本雞冠

宋范成大

號名極形似摹寫與真逼聊以畫滑稽慰我秋園寂

雞冠畫

元程鉅夫

瑤臺歌絳幘祗欠一聲啼獨立西風裏由人喚木雞

題錢舜舉畫雞冠花

元
于立

玄霜冷漬丹砂汁
翠羽離披紫霞濕
金烏海底浴神光
絳幘雞人露中立

題畫雞冠花

元
姚文奐

何處一聲天下白
霜華晚拂絳雲冠
五陵鬪罷歸來後
獨立秋亭血未乾

御定歷代題畫詩類卷八十九

欽定四庫全書薈要

御定歷代題畫詩類卷九十目錄

花卉類

王伯敷所藏趙昌芙蓉

宋蘇軾

滕昌祐芙蓉

宋文同

饒世英所藏錢舜舉芙蓉

元虞集

錢舜舉折枝芙蓉

元虞集

芙蓉圖

元馬祖常

芙蓉畫屏

元朱德潤

錢舜舉木芙蓉

元盧琦

題墨芙蓉

元陶宗儀

題芙蓉畫屏

元文質

題二色芙蓉便面

元熊夢祥

折枝芙蓉

明劉渙

賦芙蓉小畫

明顧璘

為周評事題沈石田畫芙蓉

明吳寬

墨芙蓉

明徐霖

題芙蓉圖

明謝承舉二首

墨芙蓉圖

明謝承舉

唐伯虎芙蓉圖

明陳有守

芙蓉障子

明沈周

畫木蓮花圖

唐白居易

和昌穀蓉菊圖

明陸深

題趙昌山茶

宋蘇軾

王伯敬所藏趙昌山茶

宋蘇軾

題杜彥敷山茶

宋陳造

山茶圖

元馬祖常

題白扇山茶

明王世懋

梁廣畫花歌

唐顧況

觀葉生畫花

唐施肩吾

題花木障

唐杜荀鶴

和景仁荅李才元寄示花圖

宋司馬光

墨花

宋蘇軾

戲題趙從善兩畫軸

宋范成大

盧甥申之自吳門寄顏樂間畫箋

宋樓鑰

題王氏天開圖

宋劉宰

觀黃筌畫花

宋崔德符

題陳文翁畫扇

元袁桷

周曾秋塘圖卷

元鄧文原

錢選畫花

元陳儼

題畫 元華幼武

畫花 明高啓

題畫 明楊廉

為毛憲清題花竹圖 明吳寬

上林圖 明廖道南

題畫雜花 明錢穀

畫百花卷與史甥題曰漱老詭墨 明徐渭

書鄢陵王主簿所畫折枝 宋蘇軾二首

錢舜舉折枝圖

元王惲

折枝

元袁桷

吳元瑜四時折枝

元袁桷

老錢折枝

元龔璘

題四時折枝

元揭祐民

題趙昌四季花圖

宋范成大四首

題惠崇著色四時景物

宋樓鑰

四愛圖

元馬祖常四首

題趙子固山礬瑞香水仙叢蕙
元虞集

水墨四香畫
元楊維禎

三芳圖
元倪瓚

題德範弟三香圖
元年猷

題雪景三香圖
元張雨二首

題三香圖
明高啓

三香圖
明王誼

白牡丹桃花
明徐渭

石榴萱草

明徐渭

翦春羅垂絲海棠

明徐渭

石榴荷花

明徐渭

芭蕉玉簪

明徐渭

芭蕉雞冠

明徐渭

落花圖

元陳樵

濟南錄事參軍解君瑞芝圖

元王惲二首

題錢君輔紫芝圖

元吳萊

宋徽宗蘭圖

元歐陽玄

畫芝

明周用

題倪雲林為韓復陽寫空山芝秀圖

明僧元璞

題蒲石

明徐溥

為周評事題沈石田畫芭蕉

明吳寬

題蕉

明沈周

蕉石圖

明沈周

荔枝題冊

明王世貞

宗道師曾許尋鄭玄乘春草圖見寄詩以促之

元戴良

題畫春草

明陳憲章

題吳愷舉人春草

明程敏政

題春草圖

明黃雲

徵明畫草

明祝允明

春草圖

明沈周

欽定四庫全書薈要卷一萬九千一百九十八

集部

御定歷代題畫詩類卷九十

花卉類

王伯敷所藏趙昌芙蓉

宋

蘇軾

清飈已拂林，積水漸收潦。
谿邊野芙蓉，花水相媚好。
坐看池蓮盡，獨伴霜菊槁。
幽姿強一笑，暮景迫摧倒。
淒涼似貧女，嫁晚驚衰早。
誰寫少年容，樵人劒南老。

滕昌祐芙蓉

宋

文同

雙榦發寒葩一枿立紋羽欲品精妙人君當二三數

饒世英所藏錢舜舉芙蓉

元虞集

丹霞覆苑洲公子夜來遊終宴清露冷折花登綵舟

錢舜舉折枝芙蓉

元虞集

白髮多情憶劒南秋風溪上看春酣剪來一尺吳江水
擬比千花濯錦潭

芙蓉圖

元馬祖常

館娃宮裏醉西施不覺秋生水殿時酒病却嫌丹粉惡

洗妝天上影娥池

芙蓉畫屏

元 朱德潤

夾城遺芳栽搖落及千年芙蓉發靚妝絕艷秋江邊臨
風拂羅幃紅裳擁三千素抱拒霜質亭亭赤城仙曾攜
一枝去生綃記餘妍

錢舜舉木芙蓉

元 盧琦

紅妝初映酒杯酣斜倚西風轉不堪霜後池塘秋欲盡
令人惆悵憶江南

題墨芙蓉

元 陶宗儀

西風采采媚秋光
絳節朱顏翡翠裳
只恐夜深青女妬
洗妝研照墨痕香

題芙蓉畫屏

元 文質

太液池頭月色涼
夜深天上按霓裳
西風吹醒游仙夢
尚帶清秋玉露香

題二色芙蓉便面

元 熊夢祥

曾障西風十二闌
亭亭醉醒碧波寒
月邊青鳥無消息

流落人間作畫看

折枝芙蓉

明
劉渙

渚宮秋老夕陽多無復君王避暑過席上舞衣零落盡
獨留團錦照蒼波

賦芙蓉小畫

送羅汝文
赴鎮遠

明
顧璘

錢塘十月交清霜落江水芙蓉蘸澄波顏色勝桃李可
憐桃李三月花紅雲碧霧競繁華亦知霜霰饒寒苦素
心所好何咨嗟君今五十已有餘南雋猶乘郡守車強

賦幽花贈君別臨觴三歎意踟躕

為周評事題沈石田畫芙蓉

明 吳寬

憶涉秋水曾采芙蓉花花邊蕩槳白日暮美人不見
令人嗟秀色天然淨如洗依舊幽花照江水高堂四壁
起秋風不是丹青那得此周卿愛此如愛蓮
曾中風月元無邊慚余未擬愛蓮說為君且賦芙蓉篇

墨芙蓉

明 徐霖

冷淡秋光不自禁臨風多少欲開心城中桃李笙歌地

誰問寒江幾淺深

題芙蓉圖

贈玲玉
中上人

明
謝承舉

贈師芙蓉花乃如優鉢羅手持啟口海琅琅生法波為
我大士前懺悔惡業多先除煩惱障再減老病魔不願
生富貴但願蠲沉疴引之登法界閻浮上娑婆引之轉
法輪迷途見彌陀道風驅業風無盡娑婆訶

題芙蓉

明
謝承舉

濯錦江頭錦不收粉香紅艷滿城秋孟郎半醉携花蕊

馬首籠燈夜出遊

墨芙蓉圖

明 謝承舉

紫毫濡染墨淋漓木末孤拳誦楚詞月黑林深湘渚夜
一天風雨泊舟時

唐伯虎芙蓉圖

明 陳有守

晉昌才子龍眠手老寫芙蓉出水涯早向江頭賞秋艷
應悲容易鬪春華

芙蓉障子

明 沈周

江天草木搖秋風，老夫滿眼悲孤紅。
主人園林惜無地，夕陽野岸隨西東。
脉脉紅顏傷命薄，露冷羅單倚高閣。
隔水微辭不可通，滿把瑤芳竟誰托。
顧影低頭思悄然，靜留明月伴嬋娟。
嬋娟有時亦消歇，難保佳人長少年。

畫木蓮花圖

寄元郎中

唐

白居易

花房膩似紅蓮朶，艷色鮮如紫牡丹。
唯有詩人能解愛，丹青寫出與君看。

和昌穀蓉菊圖

明

陸深

誰傳徐趙手寫此秋一幅黃花得意香芙蓉映江綠誰
云搖落將滿林艷陽紅紫錦成村但令顏色不薄惡春
雨秋風總是恩

題趙昌山茶

宋

蘇軾

游蠶掠盡粉絲黃落蘂猶收蜜露香待得春風幾枝在
年來殺殺有飛霜

王伯敬所藏趙昌山茶

宋

蘇軾

蕭蕭南山松黃葉隕勁風誰憐兒女花散火冰雪中能

傳歲寒姿古來惟丘翁趙叟得其妙一洗膠粉空掌中
調丹砂染此鶴頂紅何須誇落墨獨賞江南工

題杜彥敷山茶

宋陳造

丹艷濃妝媚晏溫誰招妃子醉時魂此花信出此君下
那有詩人來叩門

山茶圖

元馬祖常

火齊珠紅拂翠翹石家步障曉寒消千枝蠟炬燒春夜
羯鼓催花打六么

題白扇山茶

明 王世懋

紅顏的自蕊珠來
丹粒還宜勾漏栽
今日一枝紈扇裏
分明春早雪中開

梁廣畫花歌

唐 顧況

王母欲過劉徹家
飛瓊夜入雲駟車
紫書分付與青鳥
却向人間求好花
上元夫人最小女
頭面端正能言語
手把梁生畫花看
凝嚔掩笑心相許
心相許為白阿孃
從嫁與

觀葉生畫花

唐
施肩吾

心竅玲瓏貌亦奇
榮枯只在手中移
今朝故向霜天裏
點破繁花四五枝

題花木障

唐
杜荀鶴

不假東風次第吹
筆勻春色一枝枝
由來畫看勝栽看
免見朝開暮落時

和景仁答李才元寄示花圖

宋
司馬光

高士閑居舊名花
獨步今移從洛浦
遠濯自錦江深傳

得巫山貌非因延壽金不須天女散已解動禪心

近歲舉世

談禪獨景仁未耳今亦有空相之句故卒章戲之

墨花

并序

宋

蘇軾

世多以墨畫山水竹石人物者未有以畫花者也汴人尹白能之為賦一首

造物本無物忽然非所難花心起墨暈春色散毫端縹緲形纔具扶踈態自完蓮風起顛倒杏雨半摧殘獨有狂居士求為墨牡丹兼書平子賦歸向雪堂看

戲題趙從善兩畫軸

宋

范成大

一枝香杏一枝梅各占東風挂玉釵
居士石腸都似夢王孫心眼怎安排

盧甥申之自吳門寄顏樂間畫牋

宋

樓鑰

年來吳門箋色澤勝西蜀春膏最宜書
葉葉瑩栗玉賢甥更好奇惠我小畫幅
開緘粲殷紅展玩光溢目巧隨研光勻
傅色濕丹綠桃杏春共嫵蘭桂秋始肅
趙昌工折枝露華清可掬妙手真似之
藏去不忍觸苟非歐虞

輩誰敢當簡牘又聞樂閑居古篆頗絕俗併求數紙書
寄我慰幽獨

題王氏天開圖

宋

劉宰

濃淡非妝點縱橫謝剪裁憑欄一凝睇圖畫信天開

觀黃荃畫花

宋

崔德符

蒼顏白髮我雖陳見了青紅幾度新更向黃生毫末裏
全家看盡劒南春

題陳文翁畫扇

元

袁桷

淡淡孤花欲笑娟娟雙蝶疑愁無奈寒蟬得意竟專落
日啼秋

周曾秋塘圖卷

元 鄧文原

慘淡枯荷折葦間芙蓉秋水轉碕灣鳴鴻飛度江南北
却羨溪禽滿意閑

錢選畫花

元 陳儼

雪翁夙號老詞客亂後却工花寫生寓意豈求顏色似
錢塘風物記昇平

題畫

元 華幼武

春雲閣雨近清明一樹梨花剪玉英
紫陌正堪同拾翠莫教枝上錦鳩鳴

畫花

明 高啟

語倦立還敬花垂裊裊枝美人妝閣靜
斜日下簾時

題畫

為吳德厚作

明 楊廉

是邊家畫是林家古句形容亦自嘉
樂意相關禽對語生香不斷樹交花

為毛憲清題花竹圖

憲清有祖百歲生於二月

明 吳寬

繁花匝地凝春色
修竹凌空傲歲寒
共向生辰呈秀麗
偏於晚節報平安
中朝有待賢孫至
東海須將大老看
白髮烏紗添入畫
漢家恩詔定加官

上林圖

為何舉人偉題

明 廖道南

上林花開滿紅紫
林深花簇香塵起
翠蘂歲蕤翳日華
丹房旖旎飄霞綺
日華霞綺映明光
馭娑駘蕩通天梁
露臺窈窕瑤芳爛
星閣微茫錦樹香
錦樹瑤芳護雙闕

羣仙鳴佩靈飈發
鳬氏初鳴落曙星
雞人未報懸明月
月明星曙花連綿
昆明有客何承天
乘槎萬里浮銀漢
懷璧三投到玉田
玉田銀漢殊清絕
何郎意氣真雄杰
甘泉賦罷草玄文
郢里歌餘飛白雪
白雪玄文誰與同
花神消息付東風
知君采花更采實
春在梅花太極中

題畫雜花

明錢穀

淡白輕黃各鬪奇
嫩紅殷紫總芳菲
上林春色原無賴
不斷生香惹客衣

畫百花卷與史甥題曰漱老謔墨

明

徐渭

世間無事無三昧老來戲謔塗花卉藤長刺闊臂幾枯
三合茅柴不成翠葫蘆依樣不勝揩能如造化絕安排
不求形似求生韻根撥皆吾五指裁胡為乎區區枝剪
而葉裁君莫猜墨色淋漓雨潑開

書鄢陵王主簿所畫折枝

二首

宋

蘇軾

論畫以形似見與兒童鄰賦詩必此詩定非知詩人詩
畫本一律天工與清新邊鸞雀寫生趙昌花傳神如何

此兩幅踈淡含精勻誰言一點紅解寄無邊春

瘦竹如幽人幽花如處女低昂枝上雀搖蕩花間雨雙
翎決將起衆葉紛自舉可憐采花蠶清蜜寄兩股若人
富天巧春色入毫楮懸知君能詩寄聲求妙語

錢舜舉折枝圖

元
王惲

探花走馬醉西城歲與東君似有情不是今春風色惡
折枝圖上看清明

折枝

元
袁桷

錢生調露滴花枝蜂蝶無知鎮日隨記得畫橋流水處
雙紅背立隔簾窺

吳元瑜四時折枝

元
袁
桷

吳生天機握羣動彩筆隨時作輕重幽如靜士槃澗歌
妍若妖娥漢宮寵娟娟交鳴疑欲語宛轉不去情相送
宣和殿前花似玉珍禽低昂手堪捧傳言寫生論甲乙
御筆親題羣輩竦一朝百幻歸逝水舊院淒涼麥成隴
君不見桑間粟留田間雀難作折枝奉宣索

老錢折枝

元 龔 璘

桃似臘脂梨似雪折花人是惜花人折枝圖上堪腸斷
忍更題詩破費春

題四時折枝

元 揭祐民

京洛名花觀盛衰雪錢風景各隨時靈株本撥無留活
却恨圖中誤折枝

題趙昌四季花圖

四首

宋 范成大

海棠梨花

醉紅睡未熟淚玉春帶雨阿環不可招空記憑闌語

葵花萱草

衛足保明哲忘憂助歡娛欣欣夏日永媚我幽人廬

拒霜旱蓮

霜天木芙蓉陸地旱蓮草水花雲錦盡不見秋風好

梅花山茶

月淡玉逾瘦雪深紅欲然同時不同調聊用慰凋年

題惠崇著色四時景物

宋

樓鑰

由說惠崇真畫師生綃四幅見天機鷺翻桃岸韶光嫵
鵝浴蓮塘暑氣微風勁賓鴻霜始肅寒欺花鴨雪初飛
分明知是丹青卷仍欲沙頭喚原本闕二字

四愛圖

四首

元馬祖常

蘭

湘纍能楚辭猗蘭為之佩千載得涪翁幽姿未憔悴

蓮

瑩膚中含滋鮮彩外發藻晚紅詠池酣晝鉛敲岸裊

菊

的歷黃金華秋日媚階徑南山種林翁飲酒不得盡

梅

鐵色僵萬木江南梅有花枯蘚纈古錦明英冠春葩

題趙子固山礬瑞香水仙叢蕙

元虞集

梁園池館日蒼涼飛蓋追隨憶故鄉澤畔行吟春事晚
時時駐屐近微香

水墨四香畫

元楊維禎

玉龍聲嘶五更了
綠衣倒挂扶桑曉
道人衝寒酒未醒
梨花零落春雲小

三芳圖

元倪瓚

丹桂月光落猗蘭琴調清
獨憐秋鶴瘦相對夜江橫
芳烈誰先後才華孰重輕
道心安有染無物惱閑情

題德範弟三香圖

元牟巖

水仙侑食老逋家
更著江南小白花
三雅如渠好兄弟
衆芳未許以肩差

題雪景三香圖

二首

元張雨

春雪無聲入畫堂東風渾似北風涼祇緣何遜題詩少
信是徐熙落墨強青鳥下迎羅襪步蒼髯來近玉臺裝
匡廬也入幽閨夢睡裏山花各自香

雪羽飛來雪意濃國香狼籍暝煙叢倩誰與剪吳淞水
愛爾能吟柳絮風翠袖佳人玉跳脫平頭奴子錦熏籠
劒南畫手看前輩著粉施朱或未工

題三香圖

明高啟

羅浮洛浦與瀟湘三處離魂一本香夢斷月明秋渺渺
縞衣何短翠裙長

三香圖

明王誼

微步凌波見襪痕玉容相向總無言夜深髣髴香塵過
疑是楊家姊妹魂

白牡丹桃花

明徐渭

桃艷比夫姬花王富貴姿楚襄春日下閑坐選蛾眉

石榴萱草

明徐渭

不是來西域還應到海南已含無限子何用佩宜男

剪春羅垂絲海棠

明徐渭

美人睡不足春愁奈若何垂絲綠牕下聊為繡春羅

石榴荷花

明徐渭

畫得荷花朶傍依海石榴西施夜浴罷催火照梳頭

芭蕉玉簪

明徐渭

爛醉中秋睡起遲蒼蠅留墨研頭池合歡翠扇遮羞面
白玉搔頭去嫁誰

芭蕉雞冠

明徐渭

芭蕉葉下雞冠花一朶紅蓮不可遮
老夫爛醉抹此幅
雨後西天忽晚霞

落花圖

元陳樵

紅如肌血薄如鱗
李下桃根五色痕
拂地輒隨風絮轉
繞亭不似雪花深
人亡碧玉名猶在
煙盡黃金鑛尚存
滿地丹鉛污草棘
何時凝綠遍丘林

濟南錄事參軍解君瑞芝圖

二首元

王惲

靈旌亭亭紫蓋光氣和無地不芬芳一枝特秀溪堂下
似表參軍政異常

從來腐朽化神奇正自餘精發菌芝浩蕩上林春色裏
自憐蒲柳望秋衰

題錢君輔紱芝圖

元 吳 萊

我聞錢子古丈夫早歲喪親伏墓廬血淚迸空百草枯
神芝挺發黃土壚一莖三秀燼以敷圓釘寶蓋屹相扶
醴泉灌注含膏腴紫雲覆護連根株山靈地媼侈厥符

鳥啁獸躍助號呼削杖苴經麻布襦毀容惡服絕復蘇
孝弟有三貫斗樞卉木榮華孝之餘里閭耆長起歎吁
痛心疾首矧可摹夫孰非親堂上居日嚴祇敬本一軀
夫孰非子膝下娛風樹悲繞弗待予愛生戚死自古初
德鉏諱帚俗易趨剗分官奧類向隅較計絲粟遽異儲
被薪委壑餒鵲烏酣酒嗜炙酗枯孟哀雖在身孝已渝
天薦厥祉天亦誣信哉純孝與世殊史筆值此合特書
素冠所刺今不無朱草有神錫爾孤琅玕玉樹豈得如

岱衡恒華五嶽都玄黃赤白擁趾臚列仙山澤或療臞
瑞不為孝徒區區天寒歲晚霜霰踈慎終追遠在我儒
匪伊丹青繪此圖後有過者尚式車

宋徽宗菌圖

元
歐陽玄

地上層雲起玉柯依稀遺墨認宣和
莆陽相國君知否
好作齋房芝草歌

畫芝

明
周用

四皓已安劉如何不懷歸
千載商山芝爭如首陽薇

題倪雲林為韓復陽寫空山芝秀圖

明僧元璞

每憶雲林子隱居清且閑
褰裳採芝秀倚杖看秋山
微徑松陰暝青苔石上斑
韓康偏有意時復到柴關

題蒲石

明徐溥

竹鶴老人神仙徒漫寫九節青青蒲
一掬寒泉浸山骨
小牕相對真蓬壺

為周評事題沈石田畫芭蕉

明吳寬

老卉呈嬌紅破葉留故綠正當零落時對此殊不俗我
思石田生秋色填滿腹腹中抑鬱無奈何信手寫之忽
成幅滾滾白露初為霜苔花冷蝕山骨蒼眼昏錯道逢
仙子綠絲步障紅綃裳

題蕉

明
沈周

慣見閑亭碧玉叢春風吹過即秋風老夫都把榮枯事
却寄蕭蕭數葉中

蕉石圖

明
沈周

鶴程輕算亦三千歸去玄都只瞥然洞口碧蕉秋葉大
新詞閑錄小遊仙

荔枝題冊

明
王世貞

一片蒼崖萬古秋高天翠色晚俱浮自從謝傅東山別
未許交情到白頭

宗道師曾許尋鄭元乘春草圖見寄詩以促之

元
戴良

平生不識鄭山輝寫草成圖偶見之恍惚鵝羣翻水日

依稀鴻爪印沙時。康成已矣。空書帶靈運。淒其但夢池。
寸楮尺綃。能寄否。敢憑去鴈。致深期。

題畫春草

明 陳憲章

蘭兮蘭兮。翳灌莽棘刺。蒲芽遞消長。野竹抽梢一千丈。
巨石盤雲覆。仙掌鵲鷁三三魚。兩兩鼓翼飛鳴齊。下上
仰視玄穹極高廣。梯稗瓦甃皆真賞。半酣一爬誰老癢。
五羊城中鍾雪舫。

題吳愷舉人春草

明 程敏政

習習風初度萋萋綠正勻誰將方寸地散作十分春

題春草圖

明黃雲

野燒痕回一雨過村童放牧散平坡
襴衡洲畔埋愁遠建業城邊積恨多
誰見夜深嘶石馬那知歲久沒銅駝
江淹賦別魂銷處春水遙連漫綠波

徵明畫草

明祝允明

光風輕汎綠迢迢氣暖煙和未盡消
想得美人簾底坐月華斜漾翠裙腰


春草圖

明 沈周

碧葉瑤韞鬪作叢水邊林下自春風
靈芳不是尋常物知落誰家藥籠中



御定歷代題畫詩類卷九十



總校官庶吉士

臣侍

朝

校對官庶吉士

臣徐立綱

謄錄監生

臣任

穎